

Qanoq iliorluni illoqarfigisaq qimallugu erniartortatut ilaqutaalu pitsaanerpaamik sullinneqarsinnaanersut pillugit apeqquteqaat aallaavigalugu oqallisissiaq.

(Inatsisartunut ilaasorta, Mikivisuk Thomassen, Inuit Ataqtigiit)

Akissuteqaat

(Peqqinnissamut Naalackersuisoq)

Apeqqutip pingaarutillip oqallisigineqarnissaanik siunnersuuteqartup suliniuteqarsimaneranut Naalackersuisut qujapput.

Ukiuni kingullerni 20-ni meeraaqqat toqusartut ikiliartorsimapput. Meeraaqqat toqusartut ikili-sarniarlugit suliassamut tassunga tunngatillugu maleruagassanik ilaatigut suliaqartoqarsimavoq. Maleruagassani allassimavoq tassangaannartumik erninermi ajornartorsiutinngorsinnaasut assigiinngitsut soorlu erninermi aanaarujussuarternerit, pilaasariaqarternerit inunngortumullu tunngatillugu ajoqutaasut sularisinnajumallugit ernisarfiit peqqinnissap tungaatigut ilisimasalinnik sulisoqartariaqartut. Taamaammatt pisariaqarpoq ernisoqarnissaani ernisarfiup ernisoqassatillugu upalungaarsimasussanik sulisoqarnissaa, matumanilu minnerpaamik nakorsa q pilaanermik ilisimasalik, peqqissaasoq sinitsitsisartoq, aaviisartoqkiisalu ernisussiortoq sulisorineqassallutik.

Nunarsuarmi pissutsit aallaavigalugit nunatsinni meeraaqqat ullumikkut toqusartut amerlanngillat, taamaakkaluortoq nunanut avannarlernut sanilliukkuttaamerlanerullutik. Ullumikkut Nuummi, Ilulissani, Sisimiuni Qaqortumi Tasilamilu napparsimaviit ernisussanut upalungaarsimasussanik sullissisinnasunik sulisulinnik immikkoortortotaqarput. Naartusulli erninissamut atatillugu ilaqutaminnit avissaartariaqarterneranut atatillugu unammilligassaqarlunilu ernumasoqarternera Naalackersuisunit paasilluarsinnaavarput.

Naartusup erninissaq sioqqullugu, erninissap nalaanni erninerullu kingorna ilaqutaminit najorneqarsinnaanissaanut aaqqissuteqarsinnaanissaq kissaatiginaqaaq. Periarfissat ersarissarniarlugit nuna tamakkerlugu erninernut atatillugu sullissinerit missorneqarnissaanik Naalackersuisunit aallartinneqarput. Misissuinermi ilaqutariit erninermullu atatillugu suliaqartartut erninernut sullissinerit pillugit isumaat saqqummersinneqassapput ernisussanullu sullissisarnerit napparsimaveqarfinnut ataasiakkaanut eqiterunneqarnerisa sunniutaat ersersinneqassallutik. Nalilersuinerup malitsigisaanik arlalinnik innersuussuteqartoqarumaarpoq, pissutsit allannortissinnaanerini periarfissat pillugit politikikkut oqallinnermi tunngavigineqartussanik.

Taamatut oqaaseqarlutik pissarsiffiusussamik pitsaasumillu oqallittoqarnissaanut Naalackersuisut qilanaarput.